

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Broj: T04 0 KT 0066336 25
Zenica, 21.08.2026. godine

OPĆINSKOM SUDU U ZAVIDOVIĆIMA
Sudiji za prethodno saslušanje

Na osnovu člana 45. stav 2. tačka i), člana 241. stav 1. Zakona o krivičnom postupku
Federacije Bosne i Hercegovine (ZKP F BiH), podižem

O P T U Ž N I C U

Protiv,

P. E. ...,

da je,

1. U toku noći sa 26/27.05.2025. godine, u vremenu između 22,45 sati do 05,00 sati, na području općine Maglaj, u mjestu ..., u namjeri da za sebe ili drugog pribavi protivpravnu imovinsku korist, došao do vjerskog objekta-džamije u naprijed navedenom mjestu, nakon čega je ušao u istu i prišao PVC kasi koja je bila namijenjena za dobrovoljne priloge koji se poklanjaju u korist medžlisa islamske zajednice općine Maglaj, te je uz upotrebu podesnog predmeta i fizičke sile nasilno otvorio kasu, a zatim iz iste za sebe uzeo i prisvojio novac koji se nalazio u njoj, iako je znao i bio svjestan da na taj način drugome oduzima tuđu pokretninu i da tako drugome može prouzrokovati štetu, a što je i htio, nakon čega je zajedno sa novcem izašao iz džamije i uputio se u nepoznatom pravcu, a na koji opisani način je oštetio Medžlis islamske zajednice općine Maglaj džemat ... u iznosu od oko 500,00 KM,
2. U toku noći sa 29/30.05.2025. godine, u vremenu između 22,45 sati do 05,00 sati, na području općine Maglaj, u mjestu ..., u namjeri da za sebe ili drugog pribavi protivpravnu imovinsku korist, došao do vjerskog objekta-džamije u naprijed navedenom mjestu, nakon čega je ušao u istu, a zatim iz iste za sebe uzeo i prisvojio jednu metalnu kasu sivo-zelene boje sa željeznim postoljem u kojoj se nalazio novac, jer je ista bila namijenjena za dobrovoljne priloge koji se poklanjaju u korist medžlisa islamske zajednice općine Maglaj, nakon čega je zajedno sa metalnom kasom i novcem u njoj izašao i udaljio se u nepoznatom pravcu, iako je znao i bio svjestan da na taj način drugome oduzima tuđu pokretninu i da tako drugome može prouzrokovati štetu, a što je i htio, a na koji opisani način je oštetio Medžlis islamske zajednice općine Maglaj, džemat ... u iznosu od oko 500,00 KM,

Dakle, tuđu pokretnu stvar iz vjerske zgrade koja služi za vjerske obrede oduzeo drugom u namjeri da njenim prisvajanjem pribavi sebi ili drugom protivpravnu imovinsku korist,

Čime bi počinio produženo krivično djelo Teške krađe iz člana 287. stav 2. tačka b) u vezi sa stavom 55. Krivičnog zakona Federacije Bosne i Hercegovine.